













70 Quidam, quia Executores juxta arbitrium sibi plane collatum a testatore declarant factu ipso fructus predicti legati etiam quorundam perfolvendos fratribus dicti Conventus ad hoc ut Missas celebrarent. A qua quidem declaratione non licet eis modo rescire, leg. 1. §. Sicutum ff. de legib. stat. liberrim. §. i. ff. de legat. 2. Et l. apud Antistum 1. l. ff. de oper. lib. in quibus juribus apparer habentem ex ultima voluntate electionem, ubi femel elegerit, aut declaraverit voluntatem suam, amplius variare non potest, et hoc tenent ibi communiter glossæ, et DD. maxime Bart. ut testatur Abb. conf. 11. Tria sunt n. 4. vers. Venio ad tertium dubium lib. 2. presertim re non integra, et post jus Ecclesie acquisitum ex applicatione Apostolica cap. Publicato et cap. Cum inter, de elec. Et e. Si commissarius eod. tit. lib. 6. cum alius adductus per Abb. sic cit.

71 Sexto, Fratres ejusdem Conventus multo ante erectionem beneficii solemniter renuntiavit omnibus legatis annuis et nominatim huic particulari legato, de quo agitur. Quod similiter ostendit idem legatum fuisse illi relictum, cum repudiare quis non possit quod habere non potest, ut dicit text. in l. Qui potest, §. Quod quis ff. de regul. jur. gloss. 5. in cap. 3. de decim. Ratio est, quia repudiatio est quando privato, quæ præsupponit habitum, Dec. in d. §. Quod quis num. 1.

Ultimo cessat omnis difficultas ex observantia subspecta ad l. Si de interpretatione, ff. de legib. Et cap. Cùm dilectus de consuetud. quia ab anno 1615. usque ad annum 1629. quo beneficium fuit erectum et sic etiam post renuntiationem, ut supra factam fratres ipsi semper exegerunt fructus d. legati, hæreditibus et executoribus, consentientibus, Consuetudo autem interpretativa non oportet ut sit præscripta, Put. decis. 183. lib. 1. sed sufficiunt decem anni Bart. in l. Labor n. 6. ff. de supplicat. legat.

Non obstat, quod Angel. d. cons. 224. incip. Casus est. Jacobus de Ubercellis, ex facto consuluerit relictum possessionum immobilium pro dote unius Altaris construendi in Ecclesia FF. Eremitarum non cenferi factum fratribus, neque Ecclesie FF. Eremitarum, quia cùm de jure Fratres predicti tanquam mendicantes sint incapaces similibus bonorum, ut cap. ante in fin. de relig. domib. lib. 6. Et cap.

Religiosus de testam. eod. lib. testator non censetur de eis cogitasse, ne videatur elegisse viam ad impugnandum iudicium suum, sed censetur cogitasse de Presbiteris secularibus, qui capaces sunt et de assensu Fratrum possunt altari deservire. Idobque relictum intelligitur factum Deo immortalis representando per Presbiteros et Clericos seculares inibi deservientes, ut l. Si nondum C. de furt. l. 4. in princ. ff. ad l. Jul. pecul. Et l. Statuta in gloss. ff. de usufructu. Ac prouide Capitulum et Conuentum Eremitarum instruere posse ministros et seruitores dicti altari, non ex seipsis propter incapacitatem, sed ex Clero seculari, qui temporalium sunt capaces. Id inquam non obstat. Tum quia contrarium solidioribus fundamentis tenerunt Joan. de Lignano Baldus et Anchar. supra citati num. 65. Et 67. Nec contrarium est differentia an legatum fuerit factum Ecclesie, vel Capelle, arg. cap. 1. Et 213. dist. cap. Cognovimus 12. qu. 2. cap. Si quis Episcopus 2. qu. 7. l. An pars ff. pro delict. Et l. Quæ de tota ff. de rei vendit. Uroque enim casu legatum potest dici relictum Deo immortalis per ministros representando, et de Ecclesia; seu templo loquitur text. quem Angel. allegat in d. l. Si nondum C. de furt. Et nihilominus relictum Ecclesie censetur relictum Fratribus et ipsimet Angel. facitur. Ergo et relictum capelle. Tum quia illa ratio ne testator videatur elegisse viam ad impugnandum suum iudicium, hoc casu in oppositum retorquetur, cum fratres Mendicantes non admittant, ut eorum Ecclesie et capellis perpetuo deserviatur à Sacerdotibus secularibus, ut dictum est supra, numer. 69. Tum denique quia in hoc speciali casu testator non disposuit præcisè, ut institueretur Capellania in Ecclesia FF. Minorum, sed tribuit liberam facultatem executoribus præscribendi modum celebrationis Missarum, sive per viam Capellaniz, sive aliter prout concordarent cum Fratribus, Executores autem non elegerunt viam Capellaniz, sed convenerunt ut Fratres ipsi annuos redditus perciperent et Missas celebrarent quemadmodum reipsa observantur usque ad erectionem beneficii. Cui quidem observantia potissimum innixa sancta Congregatio existimavit hoc legatum ipsimet Fratribus fuisse relictum. Unde ex facto ipso satis superque liquet Angeli responsum ad hunc casum non pertinere.

# DE TESTAMENTIS.

Alexander III. Hostien. Episcopo.

## CAPUT X.

Cum esses in nostra præsentia constitutus, proposivisti talem in tuo Episcopatu consuetudinem obtinere, quod testamenta, quæ fiunt in ultima voluntate, penitus rescinduntur, nisi cum scriptione septem, vel quinque testium fiant, secundum quod leges humanæ decernunt. Quia verò à divina lege, & sanctorum Patrum institutis, & à generali Ecclesie consuetudine, id esse noscitur alienum, cùm scriptum sit, In ore duorum vel trium testium stet omne verbum, præscriptam consuetudinem improbamus, & testamenta, quæ Parochiani coram Presbitero suo, & tribus vel duabus aliis personis idoneis, in extrema fecerint voluntate, firma decernimus permanere, sub interminatione anathematis prohibentes, ne quis hujusmodi audeat rescindere testamenta.

## SUMMARIUM.

- 1 Testamentum quod Parochianus facit coram Presbitero suo & duobus testibus, valet, nec tenet consuetudo contraria.
- 2 Testamentum etiam ad non pias causas conditum coram Parocho & duobus testibus, valet, nedum in foro Canonico, sed etiam in foro civili, contraria consuetudine non obstant, et n. 40.
- 3 Testamentum sive in scriptis, sive nuncupativum de jure civili requirit septem testes, et n. 159.
- 4 Et hic numerus non tantum est de forma probatoria, sed etiam de forma substantiali.
- 5 Et si unus deficiat, testamentum corrumpit, n. 37.
- 6 Codicilli non veniunt appellatione testamenti, nisi largi, et impropriè.
- 7 In testamento ruri condito sufficiunt quinque testes.
- 8 Sive fiat in scriptis, sive per nuncupationem.

- 8 Testamentum tempore pestis an fieri possit cum quinque testibus, remissum.
- 9 Testamentum solemne requirit testium subscriptionem.
- 10 Nuncupativum, sicut.
- 11 Papa potest abrogare leges Imperatoris fontes peccatum.
- 12 Papæ ratione peccati omnis anima subiecta est, et num. 49. Et 133. Et seqq.
- 13 Papa ubi peccatum non imminet, non potest infringere leges humanas, quoad forum civile in locis ubi jurisdictionem temporalem non habet.
- 14 Sed in suo foro potest tollere Legem Civilem etiam in locis Imperio subiectis.
- 15 Testamentum de Jure Canonico non requirit, ut testes sint rogati.
- Contrarium num. 17. Et seqq. usque ad n. 23.
- Et quid in testamento ad pias causas, n. 23.
- 16 Dicitio, coram, id est presentibus & intelligentibus et num. 20.
- 18 Inter Jus Civile et Canonicum discrepantia non est inducenda, ubi Jus Civile non reperitur expressè immutatum per Jus Canonicum; et Lex Civilis servari debet etiam in foro Ecclesie.
- 19 Testes in testamento tam in scriptis quam nuncupativo debent esse rogati.
- 20 Parochus non sufficit ut Matrimento intersit, nisi etiam sit adhibitus à contrahentibus.
- 21 Adhibitus idem importat quod rogatus.
- 22 Testes in actibus humanis, regulariter non requiruntur, ut sint rogati.
- 24 Testamentum de Jure Canonico coram duobus vel tribus testibus non valet, nisi etiam adhibetur proprius Parochus testatoris.
- 25 Fides magis adhibetur indigenis ignotis, quàm extraneis notis.
- 26 Parochus dicitur pater spiritualis omnium suorum Parochianorum.
- 27 Nec est verisimile, ut consentiat falsitati et numer. 44. Et 47.
- 28 Parochus in testamento acquipollet quinque testibus.
- 29 Contrarium.
- 30 Testes duo idonei presertur unico quantacumque sit dignitas et num. 59.
- 31 Parochus est testis autorizabilis, de quo Canones multum confidunt, et num. 44.
- 32 Testes duo in testamento adhibendi de Jure Canonico debent esse idonei, id est in aliquo non suspecti.
- 33 Testes idonei in testamento de jure civili dicuntur masculi, puberes & liberi.
- 34 Mulier & servus an de Jure Canonico possint esse testes in testamento.
- 35 Quid in testamento ad pias causas.
- 36 Et quid in testamento ad non pias causas.
- 38 Lectura prima quod hoc e. locum habeat solummodo in testamentis ad pias causas sicut e. sequent.
- 39 Rescinditur.
- 40 Lectura secunda quod hoc cap. procedat in testamentis ad non pias causas, tam in terris Ecclesie, quàm Imperii et in utroque foro.
- 41 Approbatur et num. 113. usque ad n. 157.
- 42 Veritas Deus est, et in omnibus prævalet et num. 47.
- 43 Subtilitas qua veritatem laedit, per Judicem non est recipienda.
- 45 Papæ autoritas ubi agitur de materia peccati non circumscriptur limitibus alterius territorii et num. 49. Et 133. Et seqq.
- 46 Lectura tertia, quod hoc cap. servari debeat in terris Ecclesie in utroque foro in terris autem Imperii servetur jus civile.
- Rescinditur num. 49.
- 47 Veritas prævalet solemnitati et n. 141. vers. Ac demum.
- 48 Legiste militant in foro Justiniani secundum Leges et Canonice in foro B. Petri.
- 49 Lex humana contradicens Divina non est servanda, sed Lex Divina servari debet etiam in foro civili et num. 115. 121. Et 133. Et seqq.
- 50 Lectura quarta quod hoc cap. sit servandum in foro Ecclesie, Lex autem civilis in foro seculari.
- 51 Rescinditur.
- 52 Lectura quinta quod per hoc cap. valet testamentum ad non pias causas conditum coram duobus testibus, etiam sine Parocho.
- Rescinditur num. 55.
- 53 Leges civiles requiruntur numerum septem vel octo testium per hoc cap. non corrumpuntur, sed declarantur irritabiles et n. 141.
- 54 Testamentum de quo certitudinaliter constat per duos testes omni exceptione major mandari debet executioni saltem per vocam denunciationis Evangelicæ ad peccatum vitandum.
- Contrarium, n. 59. 60. Et 62.
- 56 Testes duo quando sufficiant et quando tres requirantur et quales esse debant, ad Ecclesiam pertinet determinare neque hoc legi Divina adversatur et n. 146.
- 57 Parochus et duo testes idonei in testamento adhibiti excludunt omnem falsitatis suspicionem.
- 57 Testamentum ad non pias causas coram tribus testibus sine Presbitero Parochiali non valet.
- 59 Valet tamen si quatuor testes sint adhibiti.
- 60 Veritas debet esse condita sine sacrarum Constitutionum nec esse peccatum illas sequi nuda veritate relicta, et num. 102.
- Contrarium, n. 137. Et 141.
- 61 Veritas legum adminicula desiderat.
- 63 Lectura sexta quod hoc e. loquitur tantum de testamentis que fiunt in mortis articulo.
- Rescinditur, n. 68.
- 64 Testamentum militare non solum requirit militiam, sed etiam ut miles sit in conflictu belli et num. 70.
- 65 Intellectus leg. 1. C. de Sacros. Ecclesie.
- 66 Testamentum ad pias causas conditum in mortis articulo coram duobus testibus non valet; si testator reconvalscat, et n. seq.
- Contrarium, n. 71.
- Decedens verum quid importet, n. 66. Et n. 71.
- 67 Donatio causa mortis facta revocatur secuta reconvalscencia.
- 69 Mortis cogitatione mens turbata alienatur.
- 71 Testamentum quovis tempore fiat, dicitur factum tempore mortis.
- 72 Lectura septima quod hoc cap. et cap. seq. non loquantur in testamentis, sed in legatis et fideicommissis.
- 73 Rescinditur.
- 74 Instructio hæreditis est caput et fundamentum totius testamenti.
- 75 Lectura octava quod testamentum conditum secundum formam hujus cap. valet in foro anime tantum.
- 76 Rescinditur.
- 77 Testamentum cæci ad non pias causas conditum coram Parocho et duobus testibus an valeat latissime in utraque parte discutitur, à num. 87. usque ad n. 157. Referuntur fundamenta opinionis negativæ, à num. 87. usque ad n. 113.
- Item fundamenta opinionis affirmativa à d. n. 113. usque ad n. 141.
- Solvuntur objecta à d. n. 141. usque ad n. 157.
- 78 Cæcus de jure civili quam formam servare debeat in suo testamento.
- 79 Quamvis testamentum cæci signetur à testibus, non est nuncupativum.
- 80 Non requirit, ut sigilla testium apponantur in cordulis sicut requirit testamentum in scriptis.
- 81 Et an institutio hæreditis fieri debeat ante legata.
- 82 Cæci testamentum non servata forma, l. Hac consultissima, C. qui testam. fac. pol. de jure civili non valet, et n. 96.
- 83 Et quid in codicillis.
- 84 Et quid in donatione causa mortis.
- 85 Donatio causa mortis non est mera ultima voluntas et prout in esse deducitur, æquiparatur contractui.
- 86 Cæcus potest contrahere et donare, inter vivos sicut quilibet alius.
- 88 Lex generalis posterior non tollit legem specialiter loquentem, sed potius distinguitur et limitatur per legem antiquam et n. 110.
- Declaratur, n. 141.
- 89 Cæcus non potest testari inter vivos nisi servata forma l. Hac consultissima, C. qui testam. fac. pol.
- Contrarium, n. 154.
- 90 Species derogat generi.
- 91 Lex generalis non corrigit legem præcedentem habentem specialem rationem.
- Declaratur, n. 141. Et seqq.
- 92 Lex generalis nunquam corrigit legem specialem quando invicem comparantur.
- 93 Lex civilis non contraria Canonis servari debet etiam in foro Ecclesie.
- 94 Standi facultas generaliter concessa non comprehendit personas aliqui inhabiles.
- Declaratur, n. 142.
- 95 Pupillus etiam pubertati proximus, nec ad pias causas testari potest.
- 96 Cæcus de jure communi est inhabilis ad testandum, nisi servata forma, l. Hac consultissima, C. qui testam. fac. pol.
- 97 Solemnitati legali non detrahitur, nisi quotiens invenitur expressum.